

د اسلام مجموعه سی ، لومړۍ پېلېدې برخې ښکلی
 برخې ښکلی پېلېدې برخې ، مدني پېلېدې برخې لومړۍ برخې
 ښکلی دوه برخې ښکلی برخې لومړۍ برخې لومړۍ برخې .

اسلام مجموعه

تعارف : د ښکلی برخې ، ښکلی برخې ، ښکلی برخې .

پل ۱ : ښکلی برخې ۱۲ ۲۲ شعبان ۱۳۳۲ مدیري : حلیم ثابت
 ۳ تموز ۱۳۳۰

ماشقی اینجیتمز ، بر او یله دیکن ،
سویله ! ته ایدیم ؟ سویله بکا سن !

باشی ازییور ، بو آغیر گناه :
استغفر الله ! . . استغفر الله ! . .

آقا کورموز

اسلام فارنی

تعدد زوجات مناسبتیه

— بته افکار عمومی به —

بك آشكار و مبرهن اولان تعدد زوجات مسئله سنی اورته به قوی دیغمز زمان ،
بو حقیقتك حتی بر اعتراض علمی به بیله تحمیلی اولدیغنه قناعت تامه وجدانیهم
واردی . حالبوکه ایکی مقاله جوابیه (!) ایله مقابله ایدیلن تعدد زوجات مسئله سینه
دائر طرفزدن ده مقدار کافی ایضاحات ویرلش ایدی . مغالطه اولدیغنده برجه
قطعياً موجب اشتباه اولیان بعض نقاطك ، قارئلر مزجه بلکه داعی شك
وتردد اولور و همیله معارضمك جواب دییه یازمق ایسته دیکی گفت و کولردن
بر قسمنك ده رد و توضیح ایدلمه نك فائده دن خالی اولیه جنی امیدیم .

معارضمز ، احمد نعیم بك ، برنجی مقاله جوابیه سنده شخصمز اوزونده
مزریف بر لسان ایله فضولی بر صورتده تصرف ایتدکدن صوکره واک
عجیبی کتاب وسنت واجماع ایله ثابت بر مسئله یی سرمایه اجتهاد اتخاذا ایدیورسکز .
کتاب وسنت ایله ، اون اوچ بحق عصردن بری خرق ایدلمه مش بر اجماع
ایله ، عصر رسالتدن شیمدی به قدر دائمی بر نقل متواتر ایله ثابت اولمش بر مسئله ده
بیلیرسکز که اجماعی خرق ایتك هیچ بر مجتهدك کاری دکدر . بوراده کی اجماع

ایسے اجماع رأی دکل ، اجماع نقدر بواجاع ، حکم منصوحی متواتراً نقل ایلک اولدینی ایچون اوتہ کی اجماعدن البتہ اقوادر ، دیور . معارضمک کتاب وسنت واجماع ایله ثابت برمسئله دن مقصدلری ، تعدد زوجاتک لذاتہ جوازی ایسہ بو، کیسہ نک انکار ایدہ میہ جکی برحقیقتدر ویزده بواساس اوزرینہ مقالہ منری وجودہ کتیرمش ایدک . یوق .. اگر کتاب وسنت واجماع ایله ثابت برمسئله دن قصدلری ، تعدد زوجات اولی الامر طرفندن منع اولنہ ماز ، حقتدہ کتاب ، سنت واجماع واردور دیمکسہ بوقطعیاً مقارن حقیقت دکلدر . بالک بالعکس کتاب وسنت ، تعدد زوجاتک منع اولنہ بیله جکنہ صورت قطعیدہ دلالت ایدیور . اولکی مقالہ لریمزده (کتاب) ک دلالت قطعیدہ سنی اوزون اوزادی یہ شرح وایضاح ایتشدک . اساسی منری سنتدہ بک صریح وقطعی صورتدہ کوستریور . ایشتہ اوسنتدہ ابوہریرہ دن روایت ایدیلن (طاعة الامام حق علی المرأ المسلم ما لم يأمر بمعصية الله فاذا امر بمعصية الله فلا طاعة له) حدیث شریفدر . شبہہ یوقدرکہ (وحدت زوجہ) برمعصیت تشکیل ایتمز . حدیث شریفک مقتضاسنجہ خلیفہ ، بویله معصیت اولمایان شیرده امر ایدرسہ اطاعت واجب اولور . بناءً علیہ اولی الامر ، وحدت زوجہ یہ اقتضاری برقانون ویا صور سائرہ ایله امر ایتدیکی تقدیرده اوکا اطاعت ، قطعياً واجب اولور وتعدد زوجاتدہ منع ایدلمش اولور ایشتہ بومآلدہ برچوق احادیث شریفہ وارد اولمشدر . ازجملہ بخاریدہ مذکور اولان (السمع والطاعة علی المرء المسلم فیما احب وکرہ ما لم یؤمر بمعصية فاذا امر بمعصية فلاسمع ولا طاعة) حدیث شریفی دہ عینی معنادہ در .

یونلردن باشقہ معارضمکدہ بیلمہ سی لازم کلیرکہ مفصلات کتب فقہیہ نک کافہ سندہ فقہا (طاعة الامام واجبة فی مالیس بمعصية) دیمکدہ اتفاق ایدیورلر . برآز غلم اصولہ واقف اولانلر بیلیرلرکہ کک حدیث شریفلردہ وکک کتب فقہیہ دہ نقل ایتدیکمز جملہ مذکورده کی (ما) لر الفاظ عمومندنر . معصیت اولمایان ہر شیدہ امامہ اطاعت واجب اولدینغہ قطعياً دلالت ایدر .

معارضمک «اولوالامرہ اطاعت ایدیکز» دیمک «ہر شیدہ اطاعت ایدیکز» دیمک دکلدر دیہ آیت جلیلہ دہ کی عمومی انکار ایتدیکی کبی عجا بورادہ کی الفاظ

عمومی ده انکار ایده یلیری می ؟ برده معارضه (اجماع) ی اجماع رأی ، اجماع نقل کی بر صورتده ایکی به آرییور . اجماع نقلده حکم منصوصی متواتراً نقل ایله مک دییور . ایسته بوقسیم غریب ایله ، دکل یالکز اجماعی ، (کتاب) ده نه دیمک اولدیغنی بیلمه دیکنی کوسرشمش اولویور . چونکه (کتاب) ی ؛ علمای اصول (النظم المنزل علی رسولنا المتقول عنه متواتراً) دییه تعریف ایدیورلر . وتواتراً منقول اولیان (کتاب) دکادر دییورلر . کورولیورکه (کتاب) ک مفهوم و ماهیتده تواتراً نقل داخلدر . تواتراً نقل (کتاب) ک جزو ماهیتدر . بناءً علیه بر مسئله حقیقه (کتاب) ایله ثابتدر دیدکدن صوکره برده تواتراً نقل معاننده اولان « اجماع نقل ایله ده ثابتدر » دیمک کتاب نه دیمک اولدیغنی بیلمه مکدن باشقه برشی دکادر .

تعدد زوجاتک منع اولنه ییله چکنه دائر یازدیغیم اساس مقاله مده « اطیعوا الله واطیعوا الرسول واولی الامر منکم » آیت جلیله سی ، اولو الامر علیه علی الاطلاق اطاعتی امر ایدیور . نه یی امر ونهی ایدرسه ایقسون [هرشیده] اولو الامر اطاعت ایدیکز دییور . چونکه آیت جلیله ده نرملرده اولو الامر اطاعت اولنه جفته دائر هیچ برقید و شرط ذکر اولتمدیغدن فن مخصوصنده بیان اولندیغنی اوزره حکنده تعمیم افاده ایتمش اولور دیمش و بویله دلیلی ایله معنای عموم وشمولی اثبات ایتمش ایدک .

معارضه ؛ دلیل طوردرکن مدلولی قبول ایتمه مک صورتیله تمجلی ایدن وفن مناظره به مخالف اولوب هیچ برشی مفید اولمایان عادتلری وجهله بوراده ده قطعاً دلیله تعرض ایتمه یه رک « اولو الامر اطاعت ایدیکز » دیمک « هرشیده اطاعت ایدیکز » دیمک دکادر دییه اثبات ایتمش اولدیغیم معنای عموم وشمولی انکار ایدیور . چونکه فن معانیده بیان اولندیغنی اوزره ، قرینه بولتمادیغنی برده مفعولی حذف ایتمک ، یعنی تصریح ایتمه مک ، عموم وشمول معناسنی افاده ایدر . بناءً علیه [اطیعوا الله] هرامر ونهی ایتدیکی شیده الله اطاعت ایدیکز و (اطیعوا الرسول) ده هرامر ونهی ایتدیکی شیده رسول الله اطاعت ایدیکز دیمک اولدیغنی کی و (اولی الامر منکم) ده هرامر ونهی ایتدیکی شیده اولی

الامرہ اطاعت ایدیگز دیمکدر، حالویله ایکن دلیل طور ویور، اوکا هیچ تجاوز اولمایور، مدلولده بالطبع دلیلدن لاینفک بر حالده در. آرتق بوکا قارشیده مدلولی انکار ایتک، کندیلرینک نقل ایتش اولدینی زنجیر حکایه سندہ کی صاحب ادعائی آندیرمازی؟ زنجیر ائده ویا کوزینک اوکنده اولدینی حالده «یوق» ! . . . دیمک قیلندن اولمازی؟

معارضہ؛ آیت جلیله نک معناسی - تعدد زوجاتک منع اولته ییلمسنه مؤدی اولماسون قصدیه - اودرجه تغیرہ جرأت ایدیور و «الله ورسولہ اطاعتی امر ایدرلر» اطاعت ایدیگز، دیمکدر دیور. آیت جلیله بی بودرجه عبث و بی فائدہ و هیچ بر حکمی شامل اولمایان بر معنای عجیبه حمل ایتک نصل قابل اولور؟ اللهم ورسول الله امر و نهی وجوب و حرمتده کفایت ایتہ یورمش کی برده اولو الامرده آنلری امر ایدرلر اطاعت ایدیگز دیمکدر نه فائدہ، نه معنا وار یو، عادتاً براقدینک اوشاغته فلان ساعتده ارن کوبنده استاسیونده بی بکله، حسن اقدی ده یو ویردیکم امرہ اطاعت ایت دیه امر ایدرلر آکادمه اطاعت ایتده ینہ عینی ساعتده بی اورادم بکله دیمکدرکه بوندن دها صاحبه برشی تصور اولونه مازتک تعدد زوجات منع اولته ماسون دیه آیت جلیله بودرجه بازیمجه ایدیلمی؟

معارضہ؛ کویا معنای شمول واستغراقی - یوقاریده عرض ایتدیکم وجهله - مفعولک حذفدن وتصریح اولونما مسندن اخذ واستفادہ ایتہ مشمده [اولی الامر] ده کی (الامر) ک لام تعریفندن استنباط ایتشم کی، شمول واستغراق معناسی انکار ایدہ بیلیمک ایچون (الامرک) لامی؛ لام استغراق دکلدر، لام عهددر دیمک ایسته یور. الامرده کی لام؛ هانکی معنایه حمل اولونورسه اولونسون شمول واستغراق، بورادم مفعولک حذفدن وتصریح اولونما مسندن نشأت ایدیور. [اطیعوا الرسول] ده کی لام، شبه یوقدرکه لام عهددر لام استغراق دکلدر یعنی هر رسوله اطاعت ایدیگز معناسی مقصود دکلدر، عهد معناسی مقصوددرکه پیغمبریمز (ص. ۶) افتد منزه اطاعت ایدیگز دیمکدر. بونکله برابر، ینہ مفعولک حذفی، شمول واستغراقی افاده ایدر، ورسوله هر شیده اطاعت ایدیگز معناسی استفاد اولور.

ایسته بونک کی (اولی الامر) ده کی لام، عهد معاسنه اولسه ده - دکل یا - ینه
هرشیده اولو الامر اطاعت ایدیکز دیمکدر .

ایسته اولکی مقاله لرمده ده سویلش اولدیغم کی معارضه مژک قابل تعداد اولمایان
خطیئتدن یرقسم قلمینی دها ارانه وایضاح ایتک کلفتی اختیار ایتک وطن ایدمزم
مقاله لرینک هیچ برماهیت علمیسی اولمادیغنی قارئلریمزه کوسترمش اولدق .

منتشا مبعوثی

منصوری زاده

ستیر

دینک علمی

دینک علمی معرفته قارشى خصوصیتی

نسبت شکلری (مقوله لر) واطلاع ماده لری (مؤدالر) - ریاضی نسبت و طبیعی علت
واجبک وجودینی اثبات ایدمزم، اشعار ایدر (قانت) - قانتک سوزی (ایمان و عرفان) -
«متبب الیهات» ک سورنجیلکی - فیلسوف وولفک کتابی - آلبرهخت ریچل وهرمان ک
وضعیتلری .

«طبیعیات» علمنه دونه جک اولورساق بوکا بکزر برنتیجه یه واریرز .
بوکیقت شوندن بالیدرکه «ریاضیات» ، درک اولونان حقیقتلر اوزرینه تطبیق
ایدیه بیلیر . یالکز بوراده دها باشقه درلو «نسبت صورتلری» واردر، که بوتلرک
اک باشلیسی «سببیت» علاقہ سی در . اوت ، سببیتده ده دوغرودن دوغری یه
«نسبت» لربحته موضوع اولور . سبب و تأثیرک بربرلرینه قارشى بر «نسبت» لری
واردر . وبونسبتک هر زمان مساوی عددلرله کوستریله بیلیمی لازمدر . بوندن
دولایی «طبیعی معرفت» ده ایشک صوکنده نسبتله منجز اولویور دیمکدر .
یالکز ریاضیات ایله اولان فرقی شودرکه ریاضیات ، صرف «شکل نسبتلری»
ایله اوغراشدیغنی حالده ، طبیعیات بو «شکلر» ایچون «ماده لر» آرار . بو
ماده لر ایسه «حسه» لرک «اطلاع» لری واسطه سیله ایدیلیر . بونکله برابر